

déclaration le concept de ladite revenue à ceulx. quy par ledit duc seroyent à ce commis, et le chastellain que ledit de Monjoy y comecteroit, seroit tenu serement audit duc Anthoine de délivrer et rendre ladite place de Durbuy à icelluy duc ou à son prochain hoir tantost après le trépas dudit de Monjoy, et ne pouvoit ledit de Monjoy mectre ny transporter en autre main ledit Durbuy, promectant ledit de Montjoy par ses contrelettres, de le ainsy faire avec pluisours autres promesses, données lesdites contrelettres comme dessus; lesquelles lettres de comission données par ledit duc Anthoine audit seigneur de Monjoy à sa vye, feu monseigneur Philippe, duc de Brabant, lors conte de Liney et saint-Pol, auquel estoit baillié en partaige par Jehan, duc de Brabant, son frère, le droit et action que il avoit ès pays et duchié de Luxembourg et les appertences, confirma par ses lettres données le 27^e jour d'octobre l'an 1421.¹⁾ Et l'an 1425, le 28^e jour de maye²⁾, ledit Philippe lors estant à Douay, donna et octroya par ses lettres patentes à messire Robert, conte de Vernembourg³⁾, la some de 16000 florins de Rin pour une foys, pour et en considération de ce que ledit conte de Vernembourg et ses hoirs auroient promis de servir ledit duc Philippe en la conqueste de Luxembourg. Et pour la seureté de ladite some ledit conte de Saint-Pol assigna par sesdites lettres à icelluy de Vernembourg et à ses hoirs de prendre et tenir en leurs mains, incontinent après le trespas dudit viconte de Monjoy, lesdites forteresse, ville et terre de Durbuy quy sont des appertences dudit pays de Luxembourg, par condition que ledit conte de Saint-Pol et ses hoirs pourroient rachapter lesdites forteresse, ville et terre de Durbuy, en rendant ladite some de 16000 florins de Rin pour une foys, et 2000 florins de Rin pour et à cause de 200 florins de Rin par an que ledit conte de Vernembourg a tenu de luy en fiefz, desquels 2000 florins ledit conte de Vernembourg ou ses hoirs seroient tenu de rachapter certaines terres de main ferme et d'en venir home de fiefz audit conte de Saint-Pol et de ses hoirs duc de Brabant; lesquelles lettres dudit conte de Saint-Pol Monseigneur le duc Philippe de Bourgogne et de Brabant présent a confirmées et ledit de Vernembourg pour luy et ses hoirs a promis par ses contrelettres de bien et loyalement garder ladite place de Durbuy, de maintenir leurs subjectz en leurs franchises et libertéz, sans les chargier ou taillier et de retenir la forteresse en bonne réfection de édifices, come de envoyer chascun an aux gens des comptes à Bruxelles l'estat des comptes, exploix et revenues dudit Durbuy, afin que pour ce ne se perdent, et de obéyr audit rachapt et délivrer franchement ladite place de Durbuy à mondit seigneur le duc et à ses hoirs (après qu'on) luy (aura) payé lesdites sommes de 16000 et 2000 florins de Rin, sy come il appert par lettres de mondit seigneur le duc de Bourgogne et de Brabant, donnée à Bruxelles le 17^e jour de décembre l'an 1435; ⁴⁾ et par lesdites contrelettres dudit de Vernembourg, données le 18 dudit moys et audit an⁵⁾, le dit conte de Vernembourg promect et se oblige de fere entretenir et accomplir toutes choses contenues èsdites lettres, entant que le fait de touche, laquelle forteresse, terre, ville et seigneuries de Durbuy poient valoir par an en bonne revenue environ 2000 florins de Rin.

Veü que ladite forteresse de Durbuy est très-bonne est très-forte place, tenant au pays de Luxembourg et de Liège, et qu'elle est de grande revenue et vault bien le rachapt et que mondit seigneur le doibt ravoïr en

¹⁾ Wurth-Paquet, 46.

²⁾ *ibid.* 443—447.

³⁾ Virnenburg.

⁴⁾ Wurth-Paquet, 360. — ⁵⁾ *Ibid.* 364.